

# Mare

Mare fruntiera turchina  
À lu mo esse liatu  
Cumè l'ultima cunfina  
A francà cum'un peccatu  
Sempre allisci è azzechi  
Pè l'eternu i mio lochi.

Mare d'una terra ribella  
Chì hà fatt'a prumessa  
À a libertà surella  
D'ùn esse sottumessa.

Mare antica paura  
D'una sterpa furestera  
Chì spunta ind'a chjarura  
Cù e so nave guerriere  
Ci face teme l'orizonte  
Mà sempre feremu fronte.

Mare d'una terra ribella  
Chì hà fatt'a prumessa  
À a libertà surella  
D'ùn esse sottumessa.

Mare tracarcu d'inghjulia  
Pè i luntani figlioli  
À campà senza sumiglia  
Fora di so paisoli  
Si ingordu di ghjuventù  
Di Cursichella lu fruttu.

Mare d'una terra ribella  
Chì hà fatt'a prumessa  
À a libertà surella  
D'ùn esse sottumessa.

Mare chi abbaghjuleghji  
U zitellu smaravigliatu  
A mò terra sà chi oghje  
Da tè ùn serà pigliatu  
Tutt'i to battelli bianchi  
Di sta faccenda sò stanchi.

Mare d'una terra ribella  
Chì hà fatt'a prumessa  
À a libertà surella  
D'ùn esse sottumessa.

Mare d'una terra ribella  
Chì hà fatt'a prumessa  
À a libertà surella  
D'ùn esse sottumessa